

雞足山志

地733.5

68.82

部=17

雞足山志卷之十

藝文下

五言古詩

明

渡洱河登雞足山

翰林李元陽中谿

乘輿訪名山發掉洱河涘  
蘭舫亂碧波躍浪看鱣  
鯉兔目愧清官已到東山趾  
舍舟理輕策馬足隨  
雲起長薄帶斜陽天喬鬱如綺  
岑岫相盤旋崖壑  
互填委石氣何凄凄冷艷分  
紅紫既立九重岩亦

雞足山志

卷之十

五古

一

軟曹溪水突見華首門  
下拜斯為美古松千尺長  
馬遠畫中似檜株如連  
燾半被雷燒死徘徊空羅漢  
壁嵌洞援藤藟楊黼棲真處  
崖傾不可履直北豹  
林幽中有隱君子九鼓石如鐵  
隕星何代始掘山  
得此碑土深三尺底上有  
蟲篆文依稀識壬癸天  
王捧馬蹄此句難為理  
吁嗟大化中陵谷互成毀  
躋陟迦葉殿僧堂聊徙倚  
老僧為我言一事真奇  
詭三更鐘自鳴今朝公來止  
山靈應愛客更復留  
行李大頂上有雲變眩  
千萬里西望盡天竺傍觀



窮地紀宇宙無終畢浩歌吾老矣

出山再題

蘇湖

探奇出雲樹披褐帶烟霧鐘聲滿寒松月落高峯  
暮流泉不出山歸雲還衣裾雲水何洞沿遊人獨  
前去

春日遊九重崖

大谿和尚

春淡景物和山氣更明潔徐步忘險阻扶杖肆愉  
悅竹樹自幽淡循目烟嵐接溪聲隔林杪石路幾  
迴折小憇岫巒隈俯視諸峯列仰睇嶺頭雲去天

雞足山志

卷之十

五古

二

不盈尺崖下精舍開禪棲實清越老樹不可名石  
狀瘦而別蔬蒲香積具相對忘主客憑閣一遐眺  
村舍如蟻垤憫彼蚩蚩者塵勞逼世網欣脫  
然遊觀能自適偶爾寄微軀幸不爲形役山水得  
我情淡淡俱無射歸路御風行丘壑每相逆回瞻  
向來峯蒼茫晚烟碧

華首門

前人

絕壁插空起直上幾千尺五丁鑿山根半崖開石  
闕雙扉宛然閉尊者闕靈跡守衣遵佛旨一定歷

千劫點蒼入畫圖了了凝素雪洱水一杯浮褰裳  
似宜涉崖勢臨萬仞陡削如屏列老樹每倒懸瘦  
石數欹凸遊覽固可娛危險亦難躡飛猿倚樹啼  
升降且盤躡石級隘復斜攀援多聲折俯愁地軸  
翻仰畏山柱裂轟雷起壑底隱隱雲霧窟峯巔旭  
日開陰晴指顧別嘯歌覓歸途夢塊猶惴怯後來  
誰續遊毋徒山水役勝情具千古心期間相接

春晴獨遊

前人

茲山奇不厭攬勝惟我欲前溪微雨過朝峰如新

沐曳杖穿溪林瘦石依篁竹泉聲隔樹聞空響苔  
幽谷黃粉落緇衣松花曉夜熟好鳥弄春晴次第  
嚶鳴續盤桓藉草坐曠然玩幽獨此中與世忘探  
討殊不足

瞻華首門

無盡

俗名陳起相

人世烟霞幻兀然門獨關猶謂烟霞樂探尋自不  
閒歲月杳何許孤杖驚愁顏吳練懸千里蒼雲識  
故山共憐春色去花老未知還

雞山散步

大鐔和尚

朝嵐娛輕暉羈心展孤眺遠峰了了明廻溪深窈  
窕林木翳寒泉孤影時相炤白石潔可踞漱濯從  
吾好殷殷雷度嶺稍稍雲生隩山中視聽閒烟霞  
具清奧幽事不易尋虛心領其妙曳杖竟忘疲天  
風蒼長嘯

蒼波閣看月

廣稱眼藏

積雨滯人懷夕陽忽開霽虛閣來清風樹杪歛雲  
翳一輪上遠空清光滿庭砌皎潔絕纖埃恍與素  
心契迴映九曲崖洞穴亦明麗踈星動淡林時聞  
靜溪聲細長嘯不成眠似欲忘身世

遊雞足山

詹事府 李如楠 仙盤  
貴陽

登山必孤峻聽水必清源夙昔丘壑志及此情依  
然林淡草木秀路暗鳥雀喧行行穿石磴冥冥入  
野烟松風爲我發渴日不成暄澗聲下青靄幾載  
始潺湲蘭芷有餘芳盈我懷袖間下視浮雲變仰  
睇天路懸徘徊起淡悟浩歌懷商山惜哉去已久  
幽意誰與傳

華首門

前人

杖何朝旭山霧且濛濛我行欲何之遠登雲上  
峯景物隨意領一道穿萬松怪石何崎嶇隱雪礙  
晴空回看崖下雲倏忽化爲虹高嘯林巒青荷服  
飄天風石門入定處漠漠紫苔封棖臬臨千仞五  
丁斧鑿工古佛亦已遠此道無終窮願言附高鳥  
舉翼賓蒼穹

尊勝塢院待月

大鎔和尚

積雨晦溪崖夕陽忽開霽理策肆遐觀同人先後

至輕雲面面收孤霞沒荒裔嘯歌仰太虛次第明  
星麗少焉天宇晶皓魄無纖翳塔影掛碧霄四映  
曠無際懷抱一何長感慨不能寐我情爲境移羈  
思聊自慰縱目振衣岡蒼茫同一視興會本無端  
俯仰盡幽致今古有心人應復憐斯志

蒼波閣看月

李如楠

雨晴山更好遙遙散輕陰千峰擁涼月炤我遠遊  
心仙梵奏初寂經行周化城層樓迫星漢迢遞入  
遠岑樓高夜已久流光與人親四座靜不喧有客

獨長吟再咏羽衣曲浩露空冥冥玉宇如可即高  
寒不勝情所思隔雲樹炤顏苦難真攬輝復惆悵  
曠然迷古今

遊雞足山

古乘

俗名杜鼎黃

飛鳴不得意解脫事遠遊每從山水間嘯傲忘吾  
憂跋涉數千里夢寐雞山頭神仙那可遇還丹豈  
易修幽探峰巒美濯纓向清流緩步楊黼洞逶迤  
深且幽林陰翠欲滴好鳥鳴枝頭登高僧作侶杖  
履疲不休置身四觀頂兩袖風颼颼羣峯幾點黑

雞足山志

卷之十

五古

六

洱海一盼收嗟彼塵世中混逐春與秋真能徧五  
嶽自可輕王侯生也本如寄宇宙一何悠行樂須  
及時毋貽達者羞

獨遊放光寺

蘭滄  
兵道曹延生 朱孩

淡山寂無人樹石俱清幽獨坐磐石上淡漠一何  
求好風飄然來長松韻悠悠俯觀飛鳥沒仰睇白  
日浮耳目靜以適身世等虛舟閒雲出遠峰來往  
任遨遊我心正如此塵俗安足留

遊仙掌峰

古道

俗名吳子朗

策杖探幽奇石徑多迴曲嵐色浸我裳泉流濯我足烟霞野際淡好峰玩幽獨崖穴透空明老樹枝半秃怪石不可名松風響謾謾俯視臨萬仞林壑累攢簇崖半新雨霽樹色淡新沐四顧寂無人山川氣明肅日入竟忘歸浩歌山水綠

九重崖下望新月

前人

新月掛斷山斜映重崖畔淨影炤石壁清輝洗雲漢林影光難定况被風吹亂亂松浮烟蒼溪水滌淡淡炤我見孤影徘徊興長嘆入戶不成眠孤影

雞足山志

卷之十

五古

七

猶相伴

九重崖下獨坐

古笑

四川安居人

獨坐石室幽重崖挿雲秀蒼松攬嶺巔玄鶴舞亭右靜對山月扉古殿鐘肯扣寬水達前川離離竹影瘦指顧遠近峰常有碧雲覆宵然肆愉悅俯仰空宇宙

華首門

前人

雨過石房幽華首晴霞墜剝蝕蒼苔古老松垂新翠曲磴泉亂飛霏微沾人袂聖跡不可窮塔古碑



無字大壑起烟嵐千山互明晦瞻望四觀峰直矗  
遙相對

聞大鎔和尚修雞山志成

李思謙

六吉鎮遠

滇雲古西域車轍渺獲通版圖隸中國乃與華夏  
同海內饒奇勝雞足競落崧金襴待補處一笑接  
宗風胡為仰先輩紀撰至此窮採風詩云亾文獻  
慨不逢邁茲陽九會鮮不憂蒿蓬吾師飛錫遊苓  
飯掘古松覽眺怡夙情走筆驅九龍為補宋人略  
洞天增崇隆

雞足山志

卷之十

五古

八

雞足山

臨沅道

盧桂生

仙月塾江

名山如高士幽深絕凡俗峰巒插青漢崖壑秀空  
綠飛泉百道懸樹竹森以肅華首門更奇峭壁千  
仞矗尊者定此中石室隱山谷刳盡誰彈指目前  
空碌碌

看九重崖雲起

楚雄太守

徐泰來

道長

片雲生石壁霏微騰木末俄頃亂碧空濃淡自予  
奪近水落數點遠山輕一抹不覺大地昏飄風散  
霰霖殷雷漸向東好峯次第碧卷舒本無端變幻

在咫尺陰晴難預期悲哉萬里客

本朝

華首門

鄧川卞廷槐 嵩瞻  
州守 三韓

石門聳千仞雲掩莓蕪淡尊者不可見但聞山鳥

音撫節一和之嵐光飛蒲林安知幽寂處了悟三

生心

遊雞足山

張瑞揚 鵬雲  
永平

十日在溪山與山為賓主白雲時往來幽鳥亦堪

語出入枕清泉竹樹相比伍怪石與溪溪悠然商

雞足山志

卷之十

五古 九

出處此中頗有得塵俗非吾與耳目靜無營居然

臻太古

遊九重崖

朱昂

策杖入深林探奇陟危石丘壑自幽窅吾意任所

適樹色雨中青好山雲外碧溪流何潺潺幽咽聲

相接石室鑿崖根磴道莓苔積高人何處尋惟見

麋鹿跡削壁九重開突兀懸千尺箕踞坐其巔俯

視塵寰隔盤桓歸路遲皓月松間白

雞山夜鐘

大理來 度 玄又  
二守 會齋

久雨積重陰枕簟生微涼展轉不成夢鐘聲來虛  
堂悠揚度濕雲徘徊下迴岡棲鳥驚繞枝啞啞聲  
感傷羈懷難自慰攬衣起徬徨淡山多憂恐肅肅  
靜幽窓中宵澄微觀世慮永相忘

七言古詩

明

同高使君歸自雞足天鏡閣泛舟

李元陽

天鏡閣前春可憐波光淡淡生綠烟島嶼榮迴春

雞足山志

卷之十

七古

十

浩蕩桃花三月下江船驟駢簫鼓棹謳發點蒼十  
九開峰蓮峰蓮鏤雪坐可數一溪行雲一溪雨葦  
偃畫中山水奇平泉墅裡丹青苦使君好奇還好  
古曉入雞山夜玄圃巨筆如椽長自隨品題妙墨  
山爲嫵

華首門行

前人

石門倚天千仞青花源崖窟春冥冥芝壇瑤洞杳  
莫測石扇千年永不扃萬丈鐵崖無尺土溜泉直  
落聲丁丁青溟下視不見底白晝倏忽生雷霆碧

潭翠壑有龍臥洞房石室藏仙靈白鷗紫燕自來  
太奇花秀木何繁陰天生石槽釀碧水盥沐靜者  
誦黃庭援藟捫蘿興未及五梯回首十梯停登高  
縱觀日已夕玉笋三峰破天碧白雲萬頃盡遮山  
不見人間塵土跡

遊雞足贈寶山

羲印圓易

騰身振策遊雞足月下敲門尋老宿談鋒對席不  
相避塵尾餘音振林木林間松老不知歲龍鱗皴  
剝綠苔脆翩翩白鶴忽飛來雪翎點破一山翠浪

雞足山志

卷之十

七古

十一

向山靈問迦葉萬壑千崖俱寂滅欲借天王烈訣  
鞭鞭開石洞出長舌當時遺下袈裟石踏破雲根  
留聖跡惟有受衣承汰人知他雨下依然濕絡繹  
遊人皆目擊底事痴呆等彌勒青蓮花發寶山知  
石門莫問何時關

傳衣寺同大鎔和尚製茶

無盡

掇取溪嵐鶯嘴芽火中生熟調丹砂白聲搗落三  
更月空外雲英片片賒陸羽在時鍾此好重滅梁  
鴻已滅竈誰能日嗽溝中水舌上蓮花從不到予

今行脚遇趙州門前之水向西流不重此茶重此  
水欲覓陽羨當何求

片雲居聽雨

大鎔和尚

寒玉蕭森剪空碎飄墮玉龍千點淚一聲兩聲駐  
江雲滴入愁心不成寐樹杪縣泉千道飛濺濺敲  
窻落新翠迴風折木擾棲鳥三匝啞啞鍛修翅殘  
鐘無力度重陰悠揚銷盡枯禪味雷撼西峰山軸  
翻銀漢倒瀉天幾墜

夢遊雞足

李如楠 仙盤

雞足山志

卷之十

七古

十三

獨何樂今山水之遨遊人生苦今風塵之阻修婚  
嫁事畢何太晚買山貲足應多求伊余外形骸野  
性期自適有客傳言雞足奇翠微千里夢不惑荷  
爲衣衾雲爲車峭壁巉崖路陰黑百卉爛漫無冬  
春猿狄號樹侮遊賓青青松柏薄星漢中有虬龍  
紛出沒而長吟千年古佛入定處石門半掩天花  
雨金碧焜耀非一色飄飄身倚寶珠樹亂泉恍惚  
若轟雷飛翔直上最高臺百靈紛紛先後集騎鶴  
乘鸞闔闔開或來對奕白石上似近若遙空惆悵

斯須天風吹太空馮虛杳杳辭青嶂蘿月依狀透  
碧紗衾枕猶自帶烟霞遠聞鐘漏催曉日匏繫人  
間徒咨嗟

華首門

庚辰進士曾高捷雲馭  
賓川

雞足之巔華首名雙銜飛甍自天成鐵崖陡削數  
千尺欹凹山根肖雉城城闕盤旋聳碧空崎嶇石  
級摩蒼穹飛磴輕猿不可陟五丁斧鑿非人工昔  
傳尊者捧衣住直待當來付補處阿僧祇劫定那  
伽瑤洞芝壇龍象護金縷歷劫至今存石門常閉

雞足山志

卷之十

七古

十三

幾千春我聞此語疑還怖叱石開門語不經及翻  
大藏原非妄此理堪爲知者論吾性真空原不碍  
大地山河罔弗屈一靈常住亘古今此衣窮劫稱  
不壞箇中之妙遍相傳因相顯心非塵界天下名  
山示跡多以理求之非隱怪君不見我眉瓦屋幽  
絕處靈岩嶄嶄仙踪去石花古色年不改仙人一  
去不相待天橋畱作世人津跨霧縷霞至今在我  
思石門亦此尊者無去亦無止石門開閉總無  
心無孔壁中是玄旨

歌行

送友人遊雞足石門歌

李元陽

吾聞雞足之山石門系石門千尺蒙螺髻螺髻蟠  
雲卷向空石髮崖花紛點綴在昔飲光大定初叱  
石開門入還閉人世千秋隔洞門寒雲古木空垂  
涕衣裾化石理或歿至今觀者何連綿石瀨津津  
故飛淚靜而能慮是初禪吁嗟此意會者少唯君  
歷歷恣幽討只今寫出九曲溪仙人待爾溪間道

雞足山歌

狀元楊慎升菴

雞足山志

卷之十

歌

十四

君不見葉榆雞足山一峰垂三趾翰音吳羽宛相  
似章亥步窮未之記但傳釋迦當入滅金縷田衣  
付迦葉梵王衣鉢不輕傳千載下待生彌勒華首  
門高飛構懸遙睇正對點蒼山峰攢十九溪十八  
鷲頭鷲尾相彎環山頂嘗宿四時雪上界清涼無  
六月太行百梯那可同楚臺三休暫縣絕金波寶  
焰攝身光峨嶠瓦屋非荒唐星劫電影不思議神  
經怪牒難推詳功德八池七花淨瞑鳥露猿學禪  
定護法開迷龍象筵窈窕崎嶇兔鹿徑我辭承明

到南滇登臨足跡遍山川碧雞金馬王褒頌蒟醬  
叩竹司馬篇中谿仙吏縣車蚤傍水分雲弄浩淼  
石堂磨崖丹不磷高河長吟青未了邀余欲往意  
遲留靈境棄捐今白頭靈菴張圖索余作烟翠逼  
人興如躍臥遊心動比風幡聊將虛寂鎮囂煩牛  
壁天姥悠揚夢無影竹林規磨言

雞足山歌

督學 鄧原岳

葉榆水從山脚流點蒼雞足皆神丘東西對峙爭  
奇絕翩翩靈跡垂千秋我聞雞足之山原淨土迦

雞足山志

卷之十

歌

十五

葉授衣卽其處禪宗正印信難求釋氏遺踪或可  
覩相傳八月佛放光輪囷五色還非嘗琳宮紺宇  
不知數浮屠寶刹凌蒼蒼我來登覽多所歷烟霧  
冥冥恍相失披逕先尋兜率菴捫蘿直上架染石  
江風吹雲雨如注猢猻梯滑不可度大悲閣在山  
之巔下視羣峰互吞吐須臾雨散雲亦開指點遙  
山青翠來麗江雪山白炤眼茫茫洱海浮銀杯捨  
身崖峭多虎跡仙碁石上草花碧拜佛崖縣千仞  
岡曹溪泉冷成丹液華首門扃亦已久昔時衣鉢



今何有洞天寂寂雲四封層巒半壁苔衣厚俯矚  
下方亦可憐幻成百里兜羅綿我心亦作空明想  
便知鉢裡開青蓮山雨初收還吐雲白毫光裡氣  
氤氳偶從洞府尋真誥便叩天門謁帝君旛影摩  
空虹掩映香烟吹霧鶴繽紛塵心未盡空惆悵絳  
節瑤笙杳不聞

雞足山古松歌

大鎔和尚

滇南山川天下雄崖巒疊翠聳雲中崑崙來脉千  
萬里雪山奔湧三十峰一枝夭矯結蒼岫幻出雞

足海水東千崖萬壑競奇秀烟雲變亂不可窮天  
根地軸萃靈異沐日浴月恣龍從千年精毓古洞  
穴幽光靈氣獨有鍾抽芽發條知何歲一朝轟起  
爲長松百千老樹皆兒子俯仰羅拜如不容名人  
才士過其下者共嗟嘆橫拿倒攬屈曲蟠結如鬼  
工上有兔絲千尺垂雲絡下有琥珀百斛臙脂紅  
或云修柯一枝飛去爲虬龍或云孤根幾折潛孕  
若木東佛子無盡先鑒賞狂呼大叫嗟奇逢爲余  
形似難爲狀擔當之言將無同比丘安仁亦好事

勸我往看欣相從策杖苦無躋勝具攀崖捫壑鳥  
道通遙望虬枝千里外迴雲停霧何等葱蒨諸賢摩  
娑坐其下濤響飄蕭耳爲聰屈如老螭蟠怪石伸  
如怒蛟橫長空一枝一葉無不森秀堪把玩况復  
古柯大幹參天蔽日勢豐隆仙盤豪飲不肯去坐  
臥十日誰能同山靈忌我探靈秘風雷隱隱暗蒼  
穹長嘯一聲且歸去寫作古歌筆興濃此歌旣成  
山靈當亦來呵護羞殺秦政區區大夫松

華首門歌

古笑

華首門高接天此中之人千萬年此門一閉不復  
啟後之叩者何茫然但見猿狖登降號空山我將  
彈指開玄關復愁山根裂地車翻蒼苔老樹萬古  
色門高有關不可攀側身瞻仰爲長嘆

崖壁古碣歌

大鎔和尚

高崖勒字多古文藤蘿蒙茸烟霜淡歲月久遠不  
可尋字痕凹凸隨石生欹側橫斜半尖真古人題  
此非無心豈不欲留千載名誰知山石改舊形篆  
籀磨滅苔蘚侵何期轉盼滄桑成側身感慨悲填

膺百年瞬息馳飛輪高岸爲谷溪谷陵今古是非  
何所憑

雞山絕頂放歌

前人

嗚呼高哉雞足之危峰穿雲阻日不知幾千仞削  
出天外青芙蓉舉手不覺摩蒼穹日月兩丸西復  
東河漢聲流瀉我躬嗚呼高哉捫參歷井不足道  
我欲御風遊太空尋得女媧補天處足知造化須  
人工雪山連滙千萬里玉光晃耀開心胸閭風員  
嶠窟可接何煩跨白鶴乘飛龍况復鞭石填海求

雞足山志

卷之十

七古

六

相通華首門外有大道阿僧祇劫俄頃中後之來  
者何從容嗚呼高哉匪山之豐隆攀危陟險苦鳥  
道昭昭白日門自封

本朝

古雪齋聽雨

州守張瑞揚鵬雲

虛牖雲入夜沉沉殘燈孤焰古佛明蕭蕭松竹聲  
漸隱入耳不昧若有情羈客擁衾獨不見千里風  
悲細響亂冥濛遙識苔蘚深傾注猶恐桑田變此  
夕空山漏獨永艸長花飛憶舊嶺書空無語轉自

嗤幽思逢迎問孤影巫山神女應歸來短夢難成  
空徘徊樹杪百泉飛不息澹月微雲何處臺

傳衣寺古松

浪穹羅時昇  
宣茲  
大丹  
武陵

老松虬曲枝半秃州霜淡古鳥不宿兔絲飛光瓌  
珀伏雷雨昏朝暗山麓陰火冥冥閃幽谷疑有妖  
螭穴其腹斷碑支根字痕綠蛟皮剝蝕不可讀  
玄鶴飛來尋舊枝風雪摧折無所依延頸徘徊  
鳴聲悲一千年前曾此棲重來老幹俱離披况  
復城郭人民非世不學仙欲何爲長嘯懷古丁令

雞足山志

卷之十

七古

十九

威

雞足行

程春翔  
貴陽

浮生半世何碌碌蝸角蠅頭夢相續遊踪客况等  
虛舟西蜀南滇如轉輟空將歲月老紅塵幸於山  
水饒清福昔年攬轡訪峩肩此日揚鞭上雞足西  
南名勝吟未窮峩肩積雪雞足松偃蓋千崖翻翠  
浪飛濤萬壑鳴天風蒼藤蘚石相映帶蟠空攫霧  
驚虬龍白雪應能青客眼綠雲常自護仙宮我來  
正值陽回節日暖風和竟無雪祇樹園中花正闌

洗心槁畔看新月山僧相迎宿大覺古殿香清禪  
誦潔瞻禮拈花微笑人相對竟無法可說侵晨結  
伴上峰頂松徑盤廻升峻嶺攀援更上糊繇梯迢  
迢石磴空中迴興濃不覺足力疲奮步先登若馳  
騁一聲長嘯俯千峰振衣萬仞罡風緊飄然聳立  
逞奇觀佛國山川眼界寬洱水池光浮鏡出金沙  
江勢作龍蟠天外危巒懸雪影定中老宿坐雲端  
慧日長輝金殿閣清風時掃玉欄杆更轉長廊過  
山後三生石上無塵垢一曲清歌酒一卮客遊此

雞足山志

卷之十

七古

二十

景渾難遣飲罷還探華首門風寒欲雪歸馬驟馬  
上聊爲雞足行免使名山笑余陋

五言律詩

明

鉢孟菴聽經喜雨

姚安李載贄卓吾  
郡守蒲田

山中有法筵暇日且逃禪林壑生寒雨樓臺罩紫  
烟清齋孤磬後半偈一燈前千載留空鉢虛能自  
不傳

水月菴

憲副謝肇澗在鏡

月洞與雲泉標奇更問禪石殘鐘已改山老鉢猶  
圓嵐靄千峰合松濤萬壑傳西來寧有意隨處是  
諸天

宿大聖寺

張學懋

所嗟人世淺托宿梵天淡試看新生月何如初發  
心藤垂纓絡影松振海潮音明且那能別幽情已  
滿林

悉檀寺

郡守白紹光

禮佛披龍藏君恩到碧岑曇花開寶相松樹拂雲

雞足山志

卷之十

五律

三

陰殊域歸蓮社精藍鎖梵音不須頻問法頌古足  
叅尋

蘭陀寺

僧如一 恒如

雲壑淡無極精藍隱不知開花迷鶴徑飲水共龍  
池唄語翻經處茶烟入定時高僧衣鉢在客到未  
云遲

前題

僧如清 韞之

野寺藏幽邃開雲可太畱林中仙梵畢花下定香  
浮博雅知先德清臞見苦修霞凝衣帶艸猶似遠

公秋

晚步鉢孟菴

大谿和尚

泉聲何處急落葉滿溪梁  
燈影明虛殿松陰冷石  
牀茶烟山翠合花雨屐痕香  
回首寒鴉亂千峰遍  
夕陽

前題

兵道

曹延生

未孩  
四川

何處松濤湧禪棲掛斷霞  
談經花是雨乞食鉢爲  
家澗險支危石橋崩礙古槎  
茶鑪知幾沸歸路暮  
烟斜

雞足山志

卷之十

五律

三三

前題

僧廣稱

眼藏

山徑夕陽低寒梅炤石谿  
鳥歸松舍外人語竹林  
西鑪沸催新火菴名換舊題  
攜筇長嘯去歸路紫  
烟迷

古雪齋看山茶

趙州

陳大猷

瀘州  
知州

名山雖浪跡四海已無家  
幸有鵬遊好來看野寺  
花高枝低夕炤叢萼帶晴霞  
怪殺寒梅瘦當春艷  
已賒

前題

詹事

李如楠

仙盤  
貴陽

抱琴來竹下一犬吠柴門且喜步閒寂方將恣討  
論花明殘雪徑鐘散夕陽村今日紅顏好淡杯炤  
爾魂

宿迦葉殿

李如楠

別山方有恨到此更知非嶺色成今古松聲越翠  
微看花思問道化蝶亦忘機下視浮雲盡經行對  
曉暉

前題

僧普荷 擔當

幽探今日好放下一枝藤小快有佳客孤寒惟老

雞足山志

卷之十

五律

三三

僧近崖爐不煖似鐵被難勝况復風猶慘吹殘半  
夜燈

前題

僧廣稱 眼藏

寒生萬壑松車馬共從容笑語在天半樓臺上幾  
重崖雲宵倚杖石榻曉聽鐘初日蒼茫外還登絕  
頂峰

雞足山送張明府回賓川

僧古道

幽興正未已攜樽又送行風塵憐客路山水說交  
情民事憂雖切朋遊念不輕相期春柳發策杖出



山迎

人日雞山

學正李思謙六古  
鎮遠

始赴雞山約剛從七日來徑幽惟鳥道寺古見花  
開人事無煩問天心未可推梅粧休効俗吾意厭  
塵埃

喜李仙盤再遊雞山

限扇對格

僧廣稱

臘殘山逕冷送別古松前春到雲房寂重逢芳艸  
邊客愁還醉酒僧懶不談禪今夜何勞夢虛齋共  
聽泉

雞足山志

卷之十

五律

二十

前題

古道

今朝風色好雲外鶴飛回昨夜春光度庭前花正  
開青山重對飲黃鳥復當杯不負寒冬約知君憶  
舊梅

前題

玄珠仙陀

臘去愁分袂松關話別離春來欣聚首竹塢慰相  
思燈下重言夢花前再賦詩杖藜曾到處茗具更  
追隨

華首門

孝廉藥扶雲天依  
湘潭

梯危難曳杖眺遠欲消魂在昔笑方寂于今花尚  
存鳥馴通說法僧定竟忘言空觀元無相何勞閉  
石門

玉龍閣瀑

大鎔和尚

亂水出峰頭懸空下急流青山中忽斷白練掛難  
收沫濺千崖雪寒生萬木秋曠曠初日上搖曳碧  
光浮

贈法潤禪師

古道

雲歸依竹榻花影繞松關洗鉢溪泉古棲禪樹石

雞足山志

卷之十

五律

三五

閒鳥飛青嶂下磬響碧林間夜半經行處秋淡月  
滿山

春日過白井菴訪南無禪師 前人

石路幾回折幽溪一徑通松門依峭壁茅屋對花  
叢山色斜陽外溪聲亂木中前峰明月上流影入  
絲桐

掛瓢

釋讀徹 蒼雪

抱膝向空坐偶然同許由一瓢還似累何物更須  
留澗響懸孤影風翻入夜秋幾時從定起猶見在

枝頭

白石菴候葉龍溪不至

馬

麟 重慶

瑯臺披碧落龍象隱崖坳石室抱虛白天風吹沈  
寥溪迴青靄合霜重瘴烟消望望赤松子孤雲隔  
野橋

宿華首門

僧廣稱

曹溪一滴水古洞更幽玄倚杖雲連海聞鐘月滿  
天石門千丈雪崖樹幾重烟一笑當年事人間已  
浪傳

雞足山志

卷之十

五律

二十六

不知處

大鐸和尚

山徑每回折幽溪別有天到門先報鶴小坐便為  
禪水曲堪忘世松高不記年往來經幾遍次第洗  
塵緣

古雪齋

兵憲 曹延生 未孩 四川

不是山川勝禪心本自幽修篁能共笑好鳥亦相  
求林密霜猶薄秋淡露漸收千秋誰可語當為紀  
良遊

牟尼菴

沈天錫 簡臣 杭州

茲山幽勝處竹徑繞流泉久坐僧爲客遲飛鳥入  
禪鶴來松影亂雲去石根懸莫訝頻相遇名山有  
夙緣

晚步鉢孟菴

妙地

博也昆  
明人

偶狀禪誦罷曳杖出迴廊亂石分松徑斜陽到竹  
房鉢孟龍睡穩厨覓水源長坐久忘歸路前林漏  
月光

再宿迦葉殿

貢生

許謨

昌言廣  
安人

古刹又經遊曾登最上頭松濤迷去住鶴語記春

雞足山志

卷之十

五律

二十七

秋一宿知先覺再來應更畱爐灰撥未已寒月掛  
簾鈎

寂光寺看玉蘭花

沈天錫

一片玉光明寒花弄晚晴淡烟過有影清露滴無  
聲色引霜禽下香迷粉蝶輕素蛾何處夢枝上月  
初生

前題

禮部

蔣御職

登扶  
杭州

殘臘花誰艷凌寒半是梅多君塵外質亦向雪中  
開元芷遺香佩藍田孕素胎高枝無瘦蕊小雀漫

相猜

再看傳衣寺古松

廣昭 德音

此是吾佳友別來寧不思相攜重過訪古意更離  
披風雨每愁化烟霞只自知歲寒原有約野鶴莫  
猜疑

雞足山

小坡 俗名熊軾

幾年勞夢想此日快登臨蘿月窺香刹松風引玉  
琴梅花仙逕杳修竹洞房深徙倚探奇勝悠然物  
外心

雞足山志

卷之十

五律

三八

雞山除夕

大鎔和尚

絕域逢衰暮羈危更可憐千山寥落夜萬里雪霜  
天舊曆難重看孤燈不忍眠莫辭堅坐久未曉是  
殘年

前題

前人

歲歲催人老今年夕又除傷心荒徼外愁淚甲兵  
餘此夜四時盡明朝一載初宵分倍留戀雞唱又  
何如

山中送張李兩公回賓川

許謨

此山奇不厭何事便言歸  
疲馬愁官道征衣拂落  
暉錦囊佳句滿陰洞石  
芝肥莫使仙凡隔重來  
願不違

前題

古笑

溪灣方送別薄暮復相思  
窗外松聲冷庭前月影  
移烹茶留宿火獨坐寫  
新詩欲問重遊事春風  
待子期

山中送張李兩公歸途有感  
太谿和尚

送別每多感此番情更  
淡歸途盡惆悵遠望復  
沉

雞足山志

卷之十

五律

三九

吟不解因何故忽然愁  
不禁應知今夜夢兩地  
費招尋

前題

曾化龍  
潛菴  
賓川

殘陽松徑裡寂寞獨歸  
時忽忽如有失昏昏不  
自支溪雲隔溪寺石澗  
擁流澌盡是關情處啼  
鶉語更悲

前題

廣稱

餞客過幽寺扶筇松徑  
歸因憐詩興冷漸覺語  
聲希君去已遙遠我還  
入翠微一般離別意兩  
處送

斜暉

登山

國子監張錫祚爾介

偶然見溪竹不覺少淹留  
靜坐了無事安居何所  
求春淡花氣重山僻鳥聲幽  
振策逍遙去前溪水  
亂流

重遊雞足

畢節道王珣拜泉

幾日別山去重來覺汗顏  
衣冠難免俗風味詎能  
閒籬菊幸無恙庭柯多未刪  
抽簪悔不早雙鬢漸  
成斑

雞足山志

卷之十

五律

三十

片雲居

谷遷彭澤

閒居無俗累靜坐即神仙  
花候人來少溪深地自  
偏柴門眠野鹿階砌繞流泉  
時倚長松下高吟秋  
水篇

白石菴

許正權鍾斗歙縣

禪關無剎啄溪坐玩芳辰  
靜覺吾生貴閒知道念  
真琴書隨意適魚鳥自相親  
春雨桃花遍行人莫  
問津

斷際處習靜

北勝州守劉用啓予祐武岡

散步空階下心閒體自輕  
候花忘近節坐石得無  
生竹色上衣碧泉聲入座  
清軒車休見過猿鶴恐  
相驚

山僧藤杖

大鎔和尚

師來西土遠一杖破秋雲  
度嶺寒猿引穿林闔虎  
分老根餘石色瘦節累霜  
紋莫道山川險艱難必  
共君

山夜靜坐

臨沅道 盧桂生 月仙  
墊江

萬籟夜中息况茲山更淡  
曠觀殊有得靜念亦何

雞足山志

卷之十

五律

三十一

心露重花依檻風清月在林  
自非玄悟者枯寂豈  
能禁

過悉檀寺

庚辰進上 曾高捷 雲馭

尋幽來寶地幾度叩禪關  
竹密猶聞磬嵐淡不見  
山潭清雲影細樹靜鳥聲閒  
一笛松門路山僧帶  
月還

本朝

宿迦葉殿

張瑞揚

相約遊山頂中途日已西  
且回逋客駕暫借老僧



棲寺古香初靜酒寒韻未齊清歌忘俗慮坐聽曉  
雞啼

喜李仙盤再遊雞山

朱昂

去年曾送別蹊路雪還迷今夕又相晤春山花放  
齊孤雲隨客至幽鳥向枝啼不負殘冬約新詩可  
再題

山中送張李兩公歸途有感

定邊  
縣令牟從周監二  
桐梓

不堪分手後歸去掩山扉啼鳥如知恨殘花相與

雞足山志

卷之十

五律

三十一

飛新詩空在壁別淚尚沾衣怕聽來人說前旌出  
翠微

山居

萬崇義宜也  
太和

中歲刪塵務幽居愛掩關攤書觀古道高卧對青  
山花發雨方過雲淡鶴未還松溪新月上流影到  
前灣

前題

大理  
別駕劉德溥天如  
涿州

溪山唯習靜世事久相違耳目都清曠身心無是  
非對花真解語隱几亦忘機尚論師賢者悠然賦

採薇

山中待友

鄧川州守周麟徵仲翔貴陽

階前微雨過栽竹長新枝好鳥踏花去高人午睡時獨懸徐孺榻共擬惠休詩莫歎冰絃絕知音有

子期

雞足山簡友人

永昌別駕李仙根友白貴筑

朝來微雨過溪夏似新秋老竹依然碧殘花分外幽予心今日淡子病幾時瘳肯續山陰興休辭夜半舟

雞足山志

卷之十

五律

三三

山中友人過訪

浪穹縣尹羅時昇宣茲武陵

晚風散殘暑新月出溪林谷口嘯歌發故人來相尋起居唯我適山水為君淡夜靜不能寐冷然奏

玉琴

遊雞足至拈花寺

程春翔貴陽

纔到拈花寺山情便不同門開青靄裏閣聳翠微中溪徑霜鋪白懸崖日射紅隔林望華首塔影矗遙空

華首門

前人

信步探華首雲開眼一新  
祇聞衣化石不見法傳  
人座上拈花趣崖中入定身  
千秋微笑意古栢淨  
無塵

晚步鉢盂菴

僧學蘊知空

夕陽風色好扶杖且閒遊  
問寺知蘭若逢僧非貫  
休梅花青竹塢松影暗山樓  
茶並盧仝興徘徊月  
亦留

九蓮寺

僧光勲道南廣東

九蓮開淨域雙澗繞香臺  
筆隱千巖際燈懸萬樹

雞足山志

卷之十

五律

三十四

堆徑深猿笑傲松老鶴徘徊  
欲覓靈山會南詢有  
善財

寄寄齋看梅

前人

一樹孤山雪千秋吐碧花香  
隨風寄寄影逐月斜  
斜老蚌含珠潤新蟾帶露  
奢高齋時寓目踈淡縮  
流霞

片雲居

發育獅林北京

白雲千萬縷一片卽爲居  
蘿密藏秋月山溪護梵  
書性從空外見妄在定中  
除鍊得形如鶴心光灼

太虛

七言律詩

明

登頂見佛光

馮時可

玉立諸峰一徑開，層巔矯首俯塵埃。  
雲扶夜月雙林照，風引秋聲萬壑來。  
佛殿高低俱淨土，天門呼吸近仙臺。  
自憐俗障牽纏甚，雞肋無能早自裁。

華嚴寺

代巡 姜思睿 尚愚 浙江

振錫東來結勝遊，長安曾問故山秋。  
露妍寶藏心

雞足山志

卷之十

七律

三五

蓮吐月炤珠函，法雨收到處林泉。  
誇白社歸時松菊傲，丹丘十年燈影縣。  
虛室欲叩西陵問，海舟

同王吳二憲使登頂

督學方 沈詒菴

域內名山雞足尊，凭高萬里駐輜軒。  
雲消大壑青天迥，日落千崖紫氣屯。  
呼吸似應通帝座，峻嶒堪擬躡崑崙。  
更尋入定傳衣處，百尺藤蘿護石門。

其二

雨後林光乍有無，相傳靈鷲此山趨。  
天晴蒼洱平于掌，地勝西南第一區。  
層閣直凌清漢度，中峰廻

望白雲孤禪房聊結跏趺坐十載風塵病欲蘊

傳衣寺

謝肇淛

竹林凝翠雨花飛路轉空山客到稀  
西域歸時猶有履南宗傳後更無衣  
門臨松澗濤初落風颺茶烟露未晞  
芍藥送香鸚鵡語禪心何處不忌機

銅瓦殿贈袈裟靜僧

李元陽

別却西峰望百城迢迢雲水向南行  
十年兩脇不沾席萬里孤踪那計程  
界外麟州山似筭定中香海國如萍  
霜庭一夜無生話風遍踈鐘恰五更

雞足山志

卷之十

七律

三六

大覺寺

阮尚賓

不到名山又一年崔嵬龍像煥諸天  
紫磨色似經多劫白玉光疑徧大千  
爾向一塵分住刹我依初地禮金仙  
何妨鹿豕頻來往自願翻經近法筵

遊雞足山

鎮江蘓太守 湖望涯

雞崖高傍青天開我來踏破山中苔  
僧房鐘磬出萬樹仙人樓閣凌三台  
放光迴合孤雲渺草首嶙峋返炤來  
雲捧諸天看不盡夜深燈火宿瑤臺

羅漢壁

麗江木知府 增生白

步歷千盤到上頭烟霞雲氣襲衣裘泉通仄徑清  
如洗松滿懸崖翠欲流何代苾芻當此息斯時羅  
漢尚名留吾今已覺塵緣夢來伴山靈萬慮休

蘭陀寺

楊明廷

蜀水楚山亦同遊回首天涯隔素秋松上鶴來原  
有約杖頭龍化竟難留淡雲吐月窺禪相疎雨寒  
風結暮愁極目天西最西處不堪惆悵倚高樓

雞足山

大鎔和尚

天遺外岳鎮南疆嶺削三支壓點蒼華首門高禪

雞足山志

卷之十

七律

三七

定久曹溪一滴水源長宿躔東井明分野勢控西  
番接大荒奇勝千年探不盡峰頭秋霽望飛光

其二

層崖處處隱禪關陡列三峰不可攀千樹寒松欺  
白日一條飛瀑界青山佛光上下天門曉塔影參  
差石壁開不是藏奇荒徼外書成封禪有誰刪

其三

漢代徒知祀碧雞名山耻受帝王題百千萬劫石  
門閉七十二泉龍穴棲拜佛臺基依古塔洗心橋

水遡曹溪不須更憶靈山會咫尺三峰鷲嶺西

前題

普荷

未從夜半聽雞鳴望見佳山骨已清萬笕聲中波  
上下三峰影裡雪陰晴石門苔點袈裟色金殿光  
吞日月明倒卻刹竿無祖意不須彌勒幾時生

前題

廣稱

樓殿參差金碧繁三峰名勝接祇園長松古色侵  
銅瓦野水寒光炤石門瀑布翻時晴雪亂玄關淡  
處紫雲屯天雞不辱王褒祀獨踞南荒外岳尊

雞足山志

卷之十

七律

三八

前題

古道

崖巒疊翠迥崔嵬雲歛三峰曙色開殿影參差浮  
日月佛光上下繞樓臺九溪松暝烟初合八寺鐘  
鳴鳥下來一自飲允禪定後石門風雨掩莓苔

前題

古笑

碧嶂千重接上方梅檀林色曉蒼蒼石鐘夜度雲  
聲冷金殿晴分日影長瀑布泉飛龍夭矯傳衣松  
老鶴翱翔欲知華首門開處天柱峰頭看佛光

登雞足絕頂

大鎔和尚

懸空異境闢天開，嵐氣蒼茫抱日來。  
種玉山中人漸老，傳書海上鶴應回。  
雪峰西現支拳石，河水東浮酌一杯。  
莫道巒荒幽興盡，扶筇更上幾層臺。

前題

普荷

絕頂丹梯過太清，叩開金闕彩霞生。  
右蹲伏虎溪三疊，左迸飛虬雪一莖。  
觀日不須鞭石走，凭虛真可御風行。  
醒來側耳青霄上，自有天雞半夜鳴。

前題

古道

策杖凌空俯八荒，羣峰羅列影蒼茫。  
石門花落分

三界金殿燈懸炤十方，絕壑烟嵐迷鳥道。  
半崖松檜隱禪房，遙看洱水橫如帶。  
一派清流映夕陽。

留別傳衣寺古松

李如楠

登山爲愛此松幽，千載烟霜遡舊遊。  
共爾歲寒成契濶，憐余日暮動離憂。  
風回濤響清誰聽，鶴返虬枝怨不休。  
莫悼知稀空化石，孤臣今擬重相求。

傳衣寺

汪蛟

輕雲低向半山橫，俯瞰羣峰與足平。  
處處泉流供洗鉢，閒閒馬足踐香蘅。  
環穿松逕疑衣濕，嘯對山





扣華首門

僧釋禪本無

華首門封經幾秋崖前空翠碧雲浮谷陵屢變衣  
常在寒暑頻遷人自留欲問笑時何所悟未知定  
處可容修跣趺石上心如水猿嘯孤峰月一鉤

登雞山絕頂晤眼藏上人

中書舍人

馬紹嚴

澹生騰越

鷲嶺重來梵塔新明燈古佛見前因登臨絕地窺  
南徼呼吸通天倚北辰石磴苔侵僧舍冷莎牀語  
對故人親逃禪欲訂他年約世界茫茫剩一身

壁間留題

行脚僧

雞足山志

卷之十

七律

四十一

浮杯萬里涉烟波白衲團團破似袞龍象個中知  
已少江湖方外故人多幾年行脚誰能識一曲陽  
春獨自歌到處隨緣堪掛錫無邊風景寄松蘿

雞足僧弘辯請藏浙中因遊天台

魏國公

徐弘基

六岳應天

親依智者坐天台為請琅函杖錫來歸夢夜縣雲  
磬寺征帆朝背雨花臺三車獨向林中演八部同  
瞻海上回天樂幾曾聞講席青蓮應自舌端開

傳衣古松

何如璧

文叔徽州

尋松曳杖到傳衣曲徑苔堯逼翠微老幹婆娑成  
好勢修柯宛轉避危機龍盤古穴根猶伏雷動高  
枝影欲飛疑是天台舊圖書臨風搔首竟忘歸

送僧還雞足

釋讀徹 蒼雪

滇南古路路千盤有客長歌行路難筇杖半挑雲  
裡去遠山一點雪中寒瘴烟黑處溪須避烽火紅  
時仔細看三月還家春色老杜鵑啼殺杏花殘

古雪齋

廣稱

萬山朝擁最高岑梵宇橫開祇樹陰水月相涵仍

色相風幡不動是禪心蒲團掛壁機緣寂鐵鉢藏  
龍法海深佛祖一燈傳未盡天花處處散香林

石鐘寺

大鑄和尚

萬松影裡佛光廻百尺飛泉絕壑開塔古也知僧  
定久月明幾見鶴飛來石鐘寺老存靈蹟陰洞燈  
殘炤劫灰禪誦琅琅聲定後天花飄散妙香臺

過大覺寺

曹延生

佛光現處境偏幽怪石長松漱碧流定裡刹那超  
大劫燈前影像悟虛舟花飛法雨迷香界月落澄

潭印素秋福地因緣知不易西方蓮社許同遊

西竺寺

洱海 黃復生 元聲  
守道 黃州

花雨繽紛散異香  
泐雲溪處禮空王  
松聲謾謾臨虛殿  
竹影蕭蕭轉曲廊  
千佛場中機已寂  
三生石上話應長  
西風歸路知多少  
記得前身落點蒼

大士閣

古道

自分孤踪老百蠻  
冬晴逐伴叩禪關  
塵心銷盡身猶累  
道念觀空夢亦閒  
古偈隨緣叅野衲  
新詩到處紀名山  
圖松訪石都成癖  
清事勞人未易刪

雞足山志

卷之十

七律

四三

登雞山絕頂

巡道

沈天錫

簡臣  
仁和

已據千峰最上頭  
禿高恍若御風遊  
西來羌笛梅花引  
東望湘靈竹葉秋  
一派寒流明遠水  
數行烟火暗荒洲  
天南烟瘴今何似  
長嘯凌空散旅愁

羅漢壁

貢生

許

謨

昌言  
廣安

探奇搜得古崖根  
泉脉泠泠浸履痕  
古洞有燈惟我印  
真經無字向誰論  
只愁名在仙猶障  
但得身閒道自存  
欲向中峰最高處  
水窮山盡問天門

雞山絕頂

謝肇淵

猿梯鳥道翠微連，靈塔孤標日月懸。  
禹服河山開六詔，上方雲水接諸天。  
金沙雪嶺千重色，蠻甸神州萬井烟。  
欲借罡風吹羽翼，化城淡處息塵緣。

廣恩寺分烟樓

按院 朱泰禎 道子 浙江

桃谿汎汎夕陽天，山漏中分榻尚懸。  
千騎霜蹄思伏櫪，前騶月醉與分烟。  
諸天暫許携雙屐，三日應知通百泉。  
石鼎纔烹松上雪，敲詩殘燭未成眠。

羅漢壁橫覽有禮，佛臺仙人碁立關。  
洞及迦

葉寺標月樓藏經塔諸勝 前人

雞足山志

卷之十

七律

四四

少讀山經賦遠遊，雞山如昨夢中求。  
攝身光滿搖燈月，禮佛臺空宿斗牛。  
石瓢龕依羅漢壁，仙碁柯爛辟支浮。  
楞嚴一塔疑標月，老衲儒風證上流。

雞足山絕頂

李如楠

石磴縈廻鳥道通，迢迢送孤杖翠微中。  
人間春色看初上，樹底波聲聽欲東。  
今日乾坤浮瘴海，有時雨雪亂晴空。  
千山靜擁高吟客，俯仰泠泠欲御風。

傳衣寺看杜鵑花有感

無盡 俗名陳起相

杜鵑花發杜鵑啼，不問心知并蜀西。  
空憶怨魂迷

望帝何期旅色動，滇雞湘江水。冷痕留在閬苑仙，歸月欲低淡院。踈簾客客到，花光缺處補山齊。

宿三空靜室

前人

禪關水徑繞微茫，一榻虛危倚壁旁。石到不須題姓字，雲來或恐誤衣裳。香分泉脉杯中碧，日照秋聲樹遠黃。夜坐下看星斗亂，諸天鐘磬散燈光。

遊華首門

李思謙

六吉鎮遠

門靄晴霞鶴未回，松關晝掩待誰開。一禪久定千年寂，五蘊才空萬劫灰。路接糊梯攀翠嶽，溪分曹

曲俯徘徊客心已付春山雪，欲化清光繞石臺。

雞足山絕頂

趙大生

西園祥符

聞道峰高不易登，浮名羞問大三乘。傳來西竺袈裟客，說是南華衣鉢僧。巔插晴空天似水，波澄秋海月如燈。雲封萬仞蓮花界，爲問凡夫夢到曾。

草藏洞

前人

白雲深處鎖仙宮，滿徑藤蘿杳靄中。春與猿吟浮翠紫，秋從鶴唳響龍嵒。松高濤沸因風起，月上僧歸爲石空。度世一龕常自隱，少林衲子夢相同。

懷雞足山

藥扶雲

天依

每憶雞山最上峰當年曾此寄  
此踪凭欄月色臨  
西洱欹枕秋聲入古松  
採藥靜諱幽澗洗寄書閒  
向白雲封紅塵一向拘名利  
不聽山間午夜鐘

四觀峰頂

曹延生

未孩

老鶴閱世山之隈  
花開花落愁相催  
轉頭勝事都春夢  
歎惜人間幾劫灰  
隨世功名悲逝影  
幻形天地小  
浮杯要知此外無  
窮在莫道曾登絕頂來

再遊雞足山

許謨雲

言依

雞足山志

卷之十

七律

四六

洞門深處白雲關  
自笑遊踪去復還  
採藥未能留黑髮  
看花只欲醉青山  
寰中今古誰非幻  
身外功名好是閒  
更覓桃源最深處  
胡麻莫遣出人間

珠簾水

周應遇

麓山

何來飛瀑亂淋漓  
散作簾泉萬縷絲  
心想玉繩難得繫  
眼看珠網不堪持  
渾疑坐織絃人室  
轉覺神遊龍女祠  
無邨四時花雨露  
水晶銀漢兩相宜

登四觀峰

黃復生

歷井捫參仄步行  
直排闔闔叫雲扃  
著身高處不

知險回首看時方始驚世界三千藏粒粟江湖萬里付浮萍何須更跨揚州鶴穩御雲軒朝玉京

雞山雜詠

張

炳潛石  
昆明

愛山當戶旋開窓柳外墻陰吠小厖疎竹數竿斜覆屋奔流一派遠臨江雖亾始信貧無地風靜方知影是幢銷盡萬緣心似水篆烟裊裊伴銀缸

其二

欲學無心比野雲非關傲物遠離羣虛堂竹影清塵夢靜夜松濤冷簟紋良友不嫌終夜過好山肯

雞足山志

卷之十

七律

四七

與俗人分蒲團定處忘昏曉何處疎鐘隔澗聞

除夕山中同巖復如

張炳

明日年華又一新無家隨寓便安身兩年此夕棲蘭若千里孤燈對故人夜欲分時還感慨話逢夙昔轉悲辛人間歲事咸忘却獨與晨鐘梵唄親

友人攜酒入山

都察院  
司務

敖

琰

述景  
思南

十里松陰蔭碧苔石橋流水繞山隈老僧入定披雲去居士參禪載酒來黃葉落時溪路隱蒼烟斷處好峰開扶筇長嘯招玄鶴鷹隼廻翔莫妄猜



尊勝塔院看落梅

大鑑和尚

寒苔淡漠掩殘香零落疎枝掛短牆  
林下夢回春已度湖邊鶴去影堪傷  
素英寂寂飛斜月玉葉霏霏怯曉霜  
可惜灞橋詩興好蹇驢欹側怨風狂

其二

月色朦朧事可猜輕飄幾點人窓來  
一百五日候將半二十四番風乍催  
春絮亂飛香寂寞水衫碎裂影徘徊  
最憐雨雪朝來冷玉骨離離葬碧苔

其三

春來簌簌到簾櫳橫笛孤吹怨未終  
素質銷殘冰是窟芳魂化去玉爲叢  
橋邊驢踏香泥濕湖上鶴歸霜徑空  
剩有數枝猶帶雪殷勤起拜落花風

其四

窓前忽訝點眉新誰向溪山護早春  
素襪侵苔珠有淚生綃貼地雪生塵  
冰蠶竊食成香繭粉蝶偷眠擬玉茵  
疑是雒妃乘霧過亂拋環珮贈花神

前題

李如楠

欲贈江南第一枝忽驚風暖過疎籬  
吹殘玉笛香

槐杳夢斷羅浮素影悲處士林中雖興盡壽陽粧  
裡更傳奇多情最是騎驢客空自幽尋到水湄

前題

古笑

瓊姿偏與冷相宜暖信催時減玉肌恨逐東風驚  
夢杳愁銷晴雪點粧遲蝶窺素艷翻苔徑鶴惜瑤  
華步水湄縱是高枝零落盡遺香猶自點疎籬

前題

古道

樹底冰花千片冷牕前零落幾枝空蹇驢踏去愁  
春雪雙鶴飛來怨曉風泥裹殘香霑屐齒鳥銜碎

玉過簾櫳莫云素質今寥寂尚有疎枝待畫工

片雲居海棠

大鑑和尚

柔紅冉冉碧烟遮宋玉墻東媚更賒乍吐千含鬚  
引露將歆欲墮暈生霞醉看夜色燒銀燭曉障春  
風護絳紗正是楊妃初睡覺殘粧微印粉痕斜

其二

枝枝柔軟闔嬋娟駘蕩春風二月天紅暈乍舒清  
露墮嬌痕半褪曉霞鮮無情有恨誰能見似醉如  
啼我獨憐南國莫愁香盡滅芬芳未許混淆妍

過鉢孟菴登絕頂望三塔

王堉漫

名山遙上鬱崔嵬  
虛閣通明絕頂開  
三塔烟霞天外見  
萬松風韻座中來  
閒憑老衲探靈秘  
更透玄關上佛臺  
欲覓守衣真寂處  
還從華首一徘徊

雞山道中曉望

姜思睿

路入天西別有天  
凌虛直上萬峰巔  
迴溪複澗巖松靜  
盪日摩空海鏡圓  
性定不知山味寂  
官寒半入野僧緣  
白雲高處閒飛錫  
萬里塵消一指禪

九重崖散步

曾高捷

雞足山志

卷之十

七律

五十

拄杖穿林問路賒  
白雲深處是吾家  
靜聞谷鳥遷喬木  
閒看林蜂散  
午衙翠壁泉聲穿  
亂石碧潭雲影透  
晴沙蚩蚩塵事真  
難了堪嘆浮生未有涯

夏日獅林小憩

曾化龍

潛菴

六月寒生祇樹林  
尋幽誰問薜蘿深  
木魚聲遠傳清楚  
茶竈烟濃避野禽  
一逕草花添客思  
半潭雲影弄秋陰  
夕陽欲下不歸去  
梧竹涓涓露滿襟

本朝

宿悉檀寺

張瑞揚

昏瘴棲遲頻夢歸彝歌匝地成烟徵恍然天上傳  
消息偶爾人間混是非破衲蒲團添幻景寒泉古  
木駐禪機清音寥亮知何處却羨雲中玄鶴飛

過九蓮寺

推官葉之馨明德重慶

到處題詩字不磨悔將名姓點山阿莫云雲水生  
涯好每覺風流罪過多法說二乘皆小果宗叅一  
默許維摩何須更覓幽溪處怪石長松足放歌

水月菴

大理府丞來度玄又浙江

一日冠簪換薜蘿滄桑幾度閱風波餘生浪跡甘

雞足山志

卷之十

七律

五

瓢笠拙計溪山得嘯歌曲水當門涵片月亂雲穿  
牖蔭青莎當年此念稍迷却東土塵勞悔再過

領勅還山

僧學蘊知空

北闕承恩拜紫微臣僧捧勅向西歸開天名嶽  
千峰翠祝帝華封百代輝梵宇煌煌沾聖澤綸  
音赫赫鎮禪扉從今萬里雞山上五色祥雲逐日飛

雞足山

前人

天開華首佛遺蹤六詔雄開外岳宗地控雪山來  
萬里水鄰蒼洱對三峰拈花笑後寂光定托鉢歸

時紫詔封自是金襴堪久定何須彌勒劫中逢

古雪齋

前人

五派宗分共一燈于今誰解問超乘泉流今日清  
初地樹穴何年隱定僧梵唄聲中龍闔息天花影  
裡佛光凝莫云此雪原非古二祖齊腰化未曾

雞足山

官純胤 素士  
蕪水

雞足幽奇果不羣傳衣入定古曾聞千崖倒樹藏  
飛狄百澗奔泉灑亂雲蒼嶺雪明天外落金沙江  
轉望中分最憐屢劫禪宗客華首門高不見君

雞足山志

卷之十

七律

五三

前題

米

璵

三岳  
陝西

鳥啼春晝萬山中亂落桃花碧澗紅細細濕簑雲  
頂雨飄飄吹衲石樓風芝田鶴啄丹砂粒玉洞龍  
眠老幹松歸路從人回指處知曾遊過幾重峰

前題

穆維深

濟公  
遼東

拄杖仙源訪舊踪望中崖谷翠重重月壇雲護藤  
蘿暝石鼎烟寒蔓艸封花雨半山飛絳雪松風萬  
壑響流淙冷狀一洗塵心靜歸路依稀遇赤松

再遊雞足山

張瑞揚

臥遊雞足上高臺雲樹蒼蒼蔭綠苔木客似驚人  
獨忞山靈應笑我重來放歌天地誰同調寄跡烟  
霞自舉杯清興未闌鶻喚醒落霞高樹影徘徊

珠簾水

洪希脊字

晶珠亂撒下瓊臺不着人間半點埃六月驚蜚霜  
色皎四時長作雨聲來春晴野燕穿難入月冷山  
風吹不開幾欲倚藤看紫翠憑誰捲上掛雲堆

尊勝塔院看落梅

朱昂

春愁嘗在嶺梅邊萬點瑤華墜晚烟泥惹殘香苔

雞足山志

卷之十

七律

五三

徑濕風飄冷艷竹籬偏離披窓外難成夢寥落枝  
頭只自憐素魄已隨流水去空餘踈影泣嬋娟

其二

慘淡霜柯影漸凋橫斜幾點襯溪橋苔承素艷殘  
香冷風捲寒姿碎玉飄漠漠隴頭消息斷迢迢林  
下夢魂遙可憐無數瓊瑤片都在江城笛裡消

前題

守道王在極居北四川

東風一夜過枝頭狼籍寒香未易收碎玉頻飛愁  
驛使冰肌乍褪怨羅浮扁舟歸晚迷苔徑鐵笛聲

殘墜玉樓莫道芳姿寥落盡淡烟斜月景偏幽

前題

鄧州守卞庭槐遼東

昨夜簾櫳吐曉霜笛聲空自怨青陽春水細剪侵  
苔濕碎玉斜飛擁砌涼亂點粉墻難辨影輕沾素  
蝶尚餘香不教塵土污清質攜酒重看半面粧

片雲居海棠

蒙化太守王命來玉輪江津

天然綽約倚簾鈎國色輸君第一籌清露乍垂如  
帶淚朝暎初映似含羞粧臨曉鏡脂方度睡足春  
綃暈未收盡日倚欄看不足任教月上逞風流

雞足山志

卷之十

七律

五言

雞足道中即事

范承勳瀋陽

昔年名勝聞雞足此日探奇信馬蹄飛瀑聲中聽  
梵唄亂峰影裏覓招提天開佛國雲為護境入仙  
源路欲迷明發更期臨絕頂振衣回俯萬山低

登雞足山絕頂

范承勳

猿梯鶴徑倚雲斜策杖登臨景倍賒  
洱水浮天開寶鏡番江環帶走金沙  
點蒼東拱神州域乾竺西鄰佛子家  
身到邊山心魏闕晴烟萬里望京華

雞足山

朱昂

地擁三峰萬里來天廻一徑迥崔嵬洗心橋向雲  
中渡華首門從定裡開石印金欄存古色霜侵銅  
瓦蝕莓苔夕陽欲下鐘聲動夜半光生禮佛臺

獅子林

前人

振袂高峰望十洲晴空洗碧霧初收霜華着樹迎  
來鴈山色排烟送晚秋古佛有燈難取影枯禪無  
相漸離鈎應知昏瘴終須淨朗月重明遡舊遊

雨後遊玩虎居

庚午舉人曾學祖念修

橫空疊翠襯雲窩石上惟餘虎跡多一線綠雲廻

雞足山志

卷之十

七律

五十五

細路千峰度雨瀉長河經聲晝息窺僧定茶竈烟  
暝聽鳥歌牢把一筇隨去住浮沉天地任蹉跎

雞足山

僧慧暉

朗微  
毘陵

幽巖邃壑足遊禪修竹長松映法筵嶺外一泓環  
洱水空中半壁控賓川溪林猿鶴渾無迹古洞烟  
雲不記年最是曉鐘清客夢幾人到此息塵緣

五言排律

庚子春大鐔和尚修志雞山命余二人徧搜  
勝蹟畱宿絕頂聯句

學蘊

廣稱



為尋名勝蹟曳杖每遲遲蘊撥草攀危磴摩苔讀

斷碑稱岩頭花點綴樹外石參差蘊月影清泉澗

雲埋廢閣基稱何年尊者定一局列仙碁蘊穴古

藏書久樓偏掛錫欵稱前湖明似鏡孤塔立如錐

蘊猿宿畱殘照雞鳴望曉曦稱雪峰春靄護金殿

紫霞披蘊地軸憑誰轉山靈若有期稱探求曾不

俗記載自多奇蘊尚友追千古龍門是我師稱

片雲居詠梅聯句 古道 朱昂

花皆未發昂凍蕊破寒枝傲雪偏能艷道凌霜

雞足山志 卷之十 五言排 五十六

獨擅奇風來香入座昂月上影臨巘炤水冰肌瘦

道橫窓玉質欵行藏難耐俗昂泉石始相宜遙憶

孤山鶴道微吟庾嶺詩野樽嘗對子昂琴操許誰

知素艷迎春後道羅浮入夢時昂

雞足山絕頂 許 謨 昌言 廣安

振衣千仞上渺渺御天風道遇殮霞子山迴採藥

翁石樓晴復雨野逕斷還通榻古荒苔沒菴殘亂

艸封秋雲半嶺白海日五更紅恍惚聞仙樂依稀

駕彩虹潭深畱菡萏峰老獻芙蓉從此忘歸路優

游千萬峰

雞足山

中庭槐

別岳鎮南邦幽奇對點蒼峰懸朝日隱溪轉暮虹  
長杖底雷生壑崖頭洞作房泉飛千笕亂鷓掛萬  
松涼八寺宵鐘徹九崖暑雪藏深林猿嘯雨高嶺  
鶴驚霜華首門難闢袈裟石久荒猩猩啼笏殿  
禺走繩牀塔影雲霄迴經殘花雨香名山多風約  
婚嫁孰能妨

七言排律

雞足山志

卷之十

七言排

五十七

雞足山絕頂聯句

大鎔和尚

張瑞揚

李如楠

普荷

學蘊

玄珠

廣稱

古道

朱昂

古笑

飛錫凌空到上方

鎔

羣峰踞列俯蒼茫

揚

蘿陰幕

歷籠丹嶂

楠

塔影參差掛石梁

荷

踏雪無痕過雪

嶺蘊

傳心有印吐心香

珠

松濤高下連雲壑

稱

花

雨繽紛繞畫廊

道

未到已知靈鷲似

昂

初來不許

大羅狂笑鐸鈴以下趨南詔銘几案之間駐點蒼

揚分野輝煌躔井度楠地形蟠伏控諸羌荷崩騰

瀑布分晴雨蘊登降天門望佛光珠紫氣擁幢疑

緬甸稱江流如帶是蘭滄道林高獅子室尤靜昂

洞隱玄關過不遑笑禮佛臺荒苔影綠銘洗心橋

古土脂黃揚懸泉細噴成珠沫楠怪石雄奔盡激

昂荷嘯引颶風吹碧落蘊汗成霖澍倒銀潢珠朝

看暎旭金盤湧楠暮攬晴嵐玉帶粧道森列三峰

靈虎豹昂莊嚴八寺炫琳瑯笑百千萬劫華首閉

雞足山志

卷之十

七言排

五八

銘七十二潭龍蜃藏揚名句推敲還擬謝楠高懷

磊落定追唐荷獼猴踏斷梯邊霧蘊羅漢縈廻壁

上霜珠水柱凍穿新客枕稱烟容繚繞舊禪房道

遙觀有水皆如練昂近擬無山不入囊笑萬里御

風清佩冷蘊千峰排戟曉烟長珠翻瓢亂瀉黃河

水鎔點墨斜添雲漢章揚星斗摘捫無不可楠崑

崙飛跨亦何妨荷翱翔已覺臨蓬島蘊指顧何難

攬要荒珠呼吸此時通帝座稱袈裟昨夜剪霞裳

道勝遊雅集千秋事昂歌咏留連妬夕陽笑

登雞山頂

汪蛟

飛躡岫雲迷杖履斜探星斗作支牀摩空殿角驚  
 虹繞裊篆爐香引晝長列岫朝宗如吼伏神峰貫  
 日斷鴻翔靈鍾絕域僻封禪秀鎮諸蠻笑夜郎蒼  
 嶺嗟峩來輔相雪山晶潔送清涼當年聖教興周  
 漢季代方隅阻宋唐南見采雲今已杳燈傳衣寶  
 尚蒸祥七雄六詔成灰土古佛經壇自霽皇賈島  
 游滇忘紀述相如歷部少鴻章蠻邦罕名文人駕  
 名勝私為釋子場我輩登臨遊物表諸僧立理問

雞足山志

卷之十

七言排

五十九

空王十方色界胥歸幻四大音塵盡斥荒攬罷烟  
 霞遺世立笑他堯舜屬糝糠

五言絕句

明

題三獻峽

按院周懋相鶴岫

對石疑無地攀蘿別有天雞山多勝槩得似此中

立

袞袞寺

吳懋

翠虹天上路白塔海門螺回首袞袞石懸燈在薛

蘿

尋楊黼洞

普荷

仙跡幽難覓，憑高心自閒。古人不可見，得見古人山。

過白鹿洞

玄珠

理策陟巖阿，烟嵐擁薜蘿。山樵不到處，白鹿臥青莎。

九子溪

妙地

長風吹萬松，流影亂泉水。只恐雲未淡，有人來洗

雞足山志

卷之十

五絕

六

耳

憶獅子林舊居

玄珠

茆屋自岑寂，薜蘿路轉深。土階苔蘚蝕，泉石每關心。

山齋落花

張炳

繞砌堆落花，呼童掃不去。掃去復飛來，似向愁人語。

黃葉切

玄珠

結宇依青嶂，門逕生秋草。幽居愜素懷，日落山逾

好

山中夜坐

古道

風冷石泉響幽人夜坐時仰觀衆星列悠悠生遠思

其二

月上危崖白輕雲散綠谿夜鐘猶未定好鳥莫輕栖

山夜

古道

松際草蟲鳴幽人夢不成起看崖上月木落夜鐘

雞足山志

卷之十

五絕

十一

聲

山居吟

前人

旭日炤林泉曛曛靜茅屋小犬吠松溪起視千山綠

雲起

大鎔和尚

深溪白雲起冉冉出前山風雨徒相亂老僧仍閉關

松下獨坐

前人

長松幾千尺深夏不知暑坐久無人聲好鳥時相

語

石

金騰張應井兆叢  
道壁山

怪石不知名蒼然莓苔色千年老樹蟠奇古自相  
得

新竹

大鑑和尚

新篁梢出雲翠色宛欲滴搖曳引山風耳目更幽  
寂

竹間看雲

古處

偶然入溪竹竟日無人聲迴環溪水碧忽有白雲

雞足山志

卷之十

五絕

六二

生

雨過

盧桂生

朝來微雨過前峰淨如沐彩霞次第生扶筇觀不  
足

山夜鐘

李如楠

鐘聲度重雲悠揚繞禪榻定中何所聞空音自相

答

竹間待月

大鑑和尚

薄暝山氣佳幽意誰能領林溪月到遲徘徊竹間

影

山中秋夜

古道

微風動霜林谷口疎鐘發羈鴻鳴一聲千山皆秋

月

塔院眺望

曾高捷

一塔標晴眺千山送夕暉高臺坐冰雪野翠濕人

衣

本朝

白石崖

洪希

雞足山志

卷之十

五絕

六十三

拄杖綠雲林躡屐白雲石林淡雲尚羸如何有人

跡

宿傳衣寺

心中也

登臨興未窮聊向枕邊通塊夢清如許滿山松桂

風

飛泉

大理太守沈魁超案三韓

懸泉濺樹杪飛流散如霧隔竹聽溪聲淙淙不得

住

瀑布

卞庭槐



空崖不可窮高礪急飛瀑山雲漸欲收松頭見天  
綠

遊山遇雨

張瑞揚

山形隨步改策杖看不倦雲雨陡然興更覺山色  
變

六言絕句

明

所菴來掃徧融師塔仍還演

憲副

陶

瑛不退  
姚安

雞足山志

卷之十

六經

六十四

不為松楸何處惟憐衣鉢誰家怪得雞山幢影翻  
成無盡天花

傳衣寺

吏部

閃繼迪

永昌  
人

華首門前風霧袈裟石上蒼烟為問傳衣遠近一  
聲何處嫣然

山居吟

廣稱

曲逕一番雨過溪林幾樹花開黃鳥飛過山去晴  
雲流入窓來

其二

黃藥蒼苔鄰院清風明月吾廬石磴纔過野鹿柴  
門時到山驩

華首門獨步

古道

秋深宿雨初收策杖高崖獨步華首門封綠苔上  
有白雲飛度

獨坐聞鐘

前人

亂水斜穿綠樹茅齋半倚青峰不是山中高臥何  
來雲外踈鐘

白雲窩

玄珠

雞足山志

卷之十

六絕

六十五

絕巘巉崖徑細松窻竹牖雲遮白鹿時來菴畔紅  
塵不到山家

洛照

李思謙

落照寒鴉數點柴門流水依然老翁曳杖歸去不  
知是人是仙

山居

大鎔和尚

澗響不聞人聲松陰竟忘亭午往來鹿豕爲羣耳  
自居歘太古

松下煮茶

前人

石鼎新茸自煎茶響松濤相亂白鶴飛來一雙幽  
事居歿分半

山居雜詠

章爾瑜

方水  
貴陽

亂水斜穿竹徑碧雲橫帶山腰老人箕踞木榻白  
眼看他市朝

山齋晚坐

大鐸和尚

晴嵐半隱松溪落炤斜穿竹塢林外疎鐘數聲窻  
下茶烟一縷

其二

雞足山志

卷之十

六絕

六十六

好花半落苔徑山鳥亂噪繁枝窻外夜來風雨老  
僧高臥不知

山居吟

古笑

開逕半依曲水結茅斜倚孤岑山犬時眠花下秋  
蟬獨噪松陰

其二

竹木叢中古道翠微深處人家白雲一片遠岫幽  
鳥數聲落花

古雲齋丈室

曾高撓

客到青城不唾雲移碧岫無心卒我山中歲月任  
他世上陰晴

本朝

山居吟

朱昂

卜築清溪淺水為鄰瘦石蒼松路到門前幾折山  
連雲外千重

其二

屋後幾竿疎竹門前數點秋山靜對花開花落閒  
看雲去雲還

雞足山志

卷之十

六絕

李七

其三

黃葉半灣秋水青山一片斜暉柴門盡日淡閉野  
鳥無心獨歸

山中作

大理 孫繼佐 公彌 確山

溪崖既帶流水怪石復倚高松曳杖不知日暮歸  
來步步雲封

山居

蒙化 王命來 玉輪 江津

溪山松花落粉陰洞石髓如脂婚嫁何時當了河  
清人壽難期

山居雜詠

來度玄父

石上孤松千尺溪邊修竹一灣疎籬半隱茅屋惟有白雲往還

山中偶作

僧學蘊

松下數聲鐵笛花間一曲瑤琴惟有溪雲山月于今可當知音

七言絕句

明

圓通寺崖壁

李元陽

雞足山志

卷之十

七絕

六八

鐵壁蜷歿擁糾宮曲欄迴磴穿玲瓏何年蛻下蒼龍骨至今鱗甲生秋風

壽雞山和雅禪師

岷王禮泮

黃花開日瑞盈門法自空王座一尊受法多人皆竚仰辦香千里憶酌恩

其二

莫羨玄家十種仙禪宗寶掌壽千年聖峰松栢崖前老長伴清居別一天

其三

瓶瀉千言戒德高南都叅訪不爲勞自從分得曹  
溪脉何必天家寵賜袍

其四

雞足千峰抱梵臺中藏龍象沘雲開有緣再乞醅  
酬味莫惜遙遙振錫來

玉龍閣觀瀑

方 沆

飛泉千尺掛斜暉雲氣空濛鎖翠微似是山中一  
夜雨乘風化作玉龍飛

和李中谿約遊雞足

翰林 楊士雲 弘山

雞足山志

卷之十

七絕

六九

青山削出玉芙蓉聞道雲棲學五宗華首天門携  
一杖毘盧不羨妙高峰

觀風閣

僧 廣慧 野愚

遊遍蒼崖盡沘身誰云門內更藏真相逢欲問拈  
花事千載空傳獻笑人

和雅法師從吳門還

鄧仲文

華首西來只此山白雲飛去又飛還滇吳總在三  
千界明月惟師一指間

直指朱公遊雞足因贈

僧 釋禪 本無

佛光五色湧高臺霧靄霏霏排面來却訝香風殊  
往日山靈應是愛仙才

迦葉殿

釋禪

會記拈花微笑時被他黃面一時欺而今畱下千  
年跡冷守袈裟有甚奇

雞山雜詠

如清

華首歸來舊竹房閒雲仍鎖白藤牀而今不着人  
間跡特有青松足稻糧

其二

雞足山志

卷之十

七絕

七十

一事無心亦太閒枯藤隨興有躋攀山鄰雖遠鐘  
聲近只在烟嵐指顧間

其三

青林深隱白茅居石上泉通竹裡厨無奈野猿輕  
薄甚時來盜我後園蔬

其四

白雲欲放峰先出黃鳥時聞雨午晴絕巘道人成  
久別蒼苔逕滑不堪行

雞足山

楊慎

壩房艸閣瞰彝庭側島懸崖控絕徑雞足已窮章  
亥步鷲頭空入梵王經

和雅法師說法吳楚後還雞山將廿年矣有

懷却寄

陶珙

吳楚烟波幾萬重金鱗掉尾許誰同歸來罷釣雞  
山窟高唱漁歌捲碧筒

寄寂光寺水月禪師

朗日慧光

華首峰頭大寂禪烟霞養得慧身堅有時坐到忘  
言處迦葉重來展笑顏

雞足山志

卷之十

七絕

十一

登雞山絕頂

何如璧

一泓洱海杯浮影萬點青山棋落枰脚底飛雲寒  
帶雪此身真是在蓬瀛

仙奕石

廣昭德音

仙家賓從集雲關三百枯碁盡日閒負局昔年騎  
鶴去獨留片石爛柯山

遊仙掌峰獨宿華首門

古道

偶爾尋幽憇此間石門高閉俯寒山鐘殘月落半  
崖白孤鶴一聲雲外還



雞山夢中得句

大鎔和尚

洞門古松生秋陰孤雲不去清溪淡雙鶴舞罷四  
山靜天風冷冷奏玉琴

山中晚烟

前人

晚步春山曳杖遲分明翠靄映空披幾番回看前  
溪色身在烟中却不知

夢題爛柯圖

前人

一局殘碁世界移仙家日月有誰知樵夫柯爛不  
歸去空記人間甲子期

雞足山志

卷之十

七絕

七十一

溪邊晚眺

前人

朝衣着破着僧衣扶杖溪邊送落暉鷗鳥也知機  
慮盡隨波來往不曾飛

山居

前人

竹樹參差映戶幽酒爐茶竈也風流行人多有迷  
津者莫向前溪繫釣舟

過玄鹿洞

古處

曳杖逍遙入翠微亂峰寂寂遍斜暉蒼崖石磴多  
迴折洞在深谿鹿未歸

蒲團

古笑

不是枯禪習坐功當機一悟萬緣空蒲團入定消  
塵劫山鬼何勞伎倆工

華藏洞

妙謙 恂如

古洞空明別有天石橋宛轉見流泉藥爐丹竈依  
然在一日畱居便是仙

山牕瓶花

古處

名花插向膽瓶中疎密橫斜具化工好下湘簾避  
風日肯教蜂蝶亂芳叢

雞足山志

卷之十

七

七十三

山齋紙簾

達諦 俗名吳鼎

山嵐帶雨過溪塘幾度斜飛到竹房纔把素簾遮  
半面又隨風勢到禪牀

華首門

陳大猷

千尺危崖蔭碧苔佛光影現落層臺禪家入定尋  
常事華首何須門再開

山中送別

古道

春溪水濺半山雲羈客魂消岐路分行入子規聲  
近遠不堪回首對斜曛

初到雞足山

古處

幾年夢想在名山此日登臨杖履閒怪石清泉觀  
不足老僧何事閉禪關

華首門

古笑

曳杖徘徊華首前層峰歷歷墜寒烟飲光大定何  
時出古木蒼蒼不記年

雞山散步

曾化龍

杜鵑花底日將西獨立蒼茫意轉迷瓊宇琳宮三  
十二杖藜隨處在攀躋

雞足山志

卷之十

七絕

七言

本朝

登四觀峰

姚安太守倪吳生順五

連夜洞天頻入夢雞峰清曉領詩筒瘦筇已定秋  
風約同上天門認舊踪

華首門

官純胤

直入雞山恣勝遊雲霞淡鎖洞門幽飲光佛跡知  
何處艸自春秋水自流

前題

方正陽

麗生陸涼

守衣入定自何年岩戶長扃尚儼然千古誰為排

闔者祇從門外說機緣

佛燈

洪希

佛光普炤業緣身千劫同圓一念真淡夜蒲團纔  
定後明燈影裡見前因

山居秋暮

朱昂

深林寂寂晚風涼野竹含烟壓短墻幾片白雲橫  
遠岫一灣秋水送斜陽

雞山八景

天柱佛光

孫繼佐

雞足山志

卷之十

七絕

七十五

白雲彌漫徧虛空五色毫光映日紅盡道如來親  
示現攝身有影理難窮

華首晴雷

王在極

千尺懸崖旭日明遊人杖履悅春晴俯看山麓陰  
雲滿隱隱轟雷一片聲

蒼山積雪

卞庭槐

點蒼百里畫圖工積雪春秋景不同好向雞山峰  
頂看烟雲繚繞翠微中

前題

朱昂

十九峰頭雪影停白雲橫截半山青天封原自存  
溪意正爲雞山列畫屏

前題

明古處

白雪蒼崖疊幾重青蓮花間玉芙蓉雞山絕頂開  
來徃次第看他十九峰

洱海廻嵐

張瑞揚

山光樹色影參差洱水灤洞更自奇一片晴嵐朝  
雨後空濛映帶也相宜

前題

沈魁

雞足山志

卷之十

七絕

十六

一片波光樹底明廻嵐幾度變陰晴風帆島嶼參  
差現縱是丹青畫不成

塔院秋月

明盧桂生

晴空萬里碧於水遙望嶺頭秋月生塔影孤懸溪  
夜靜冰壺濯魄恍難名

前題

明性靈 南無

亭亭塔掛青霄迥萬籟無聲月正中獨步長廊惟  
鶴伴恍然身世在虛空

萬壑松濤

明妙謙 悔如

奔騰澎湃在虛空却訝溪山波浪通坐久始知音  
響異松頭謾謾度長風

飛瀑穿雲

明曾化龍

高崖千尺碧流通引霧牽烟亂遠風回首晴空無  
雨色玉龍斜掛白雲中

前題

羅時昇

誰將匹練界青山摇曳隨風下碧灣一片白雲橫  
嶺度溪影裡水潺潺

前題

普默耳觀

雞足山志

卷之十

七絕

七十七

千尺銀河一派垂雷輶電散下山陁白雲杳靄橫  
溪口斷續隨風勢更奇

重崖返炤

牟從周

斜陽返炤彩雲生樹石參差影更明崖半道人回  
首看不知身隱紫霞城

前題

心一中也

落日吞霞映遠峰飛光迴炤翠芙蓉道人曳杖高  
崖半身在瓊樓第幾重

前題

明古道

千峰斷處夕陽斜。返照層崖擁落霞。洞穴烟嵐俱  
改色。却疑僧舍是仙家。

前題

明古處

斷霞時映亂峰明。遙望重崖是赤城。一道飛泉懸  
樹杪。虹霓五色弄新晴。

登華首山

吳恕恆 涇縣

峭壁幾千仞。排空如屏列。雙扉扃何年。兀然無破  
缺。老僧導我遊。一覽興勃發。深林湧朝暎。崖洞欣  
幽潔。飛瀑聲潺湲。濺石出清冽。須臾雲霧生。嵐光

雞足山志

卷之十

五十五

明復滅轟雷起空中。山柱愁劈裂。猿鳥紛悲號。四  
顧情慘慄。獨有千尺松。歲久枝不折。高踞萬峰巔。  
形狀堅如鐵。天矯氣干霄。葱蘢姿傲雪。喟余萬里  
來。牧民慚政拙。撫景擴胸懷。隻身嗟孤孑。呼吸通  
天門。私衷懸魏闕。要凜冰淵心。跬步矢弗越。山靈  
應鑒余。浩歌聲相接。

登鷄足山絕頂

吳恕恆

猢猻鳥道快登臨。高踞南荒助壯吟。千樹寒松空  
翠合。萬重鄉思亂雲深。石門月照窺禪相。金殿鐘

鳴悟道心一望點蒼如畫裡西來福地許追尋。

舍弟恕恒作牧賓川書來極道鷄足山之勝

因成長句寄題其上

吳敬恒

聽說名山夢欲仙振衣直上到層顛雲迷洱海疑  
無地路近蓬萊別有天陰洞灰殘經萬劫蒼崖松  
老已千年何時借得罡風便呼吸真通帝座前



額過咸池今僅及肩平不欣異彩東方炫獨喜金光  
光北面迎無怪臺邊人嘆美當前眼底一齊清

天柱佛光

糜鴻遠

團團一氣起氤氳雨後瀾漫五色勻地湧祥光窺  
本相天呈瑞彩現前身中虛似鏡窅非幻外轉如  
輪宛是真莫道靈山無佛住即茲異景已通神

華首晴雷

前人

雨沛雲烟落半空巖間依舊陽光紅雷聲遠震升  
聞外電影還飛俯視中天闕仰瞻何日啟禪關靜

雞足山志

卷十

五十九

叩幾時通山僧樓閣真堪羨縹渺凌虛壓彩虹

蒼山積雪

前人

陡絕孤峰插杳冥迴環巖峙並淵渟牀堆牙笏千  
尋白帶束腰雲一半青案外橫陳水皎潔域中低  
向玉瓏玲若非亘古無消日肯與仙山作畫屏

洱海迴嵐

前人

襟江帶澤聳崔嵬觀海忽成水一杯蒼翠晴空常  
繚繞丹青雨霽總徘徊低垂島影棋分布遠掠波  
光鏡倒開最是雲烟常聚處滿盤收上寺中來

萬壑松濤

前人

松生巨壑本尋常誰道濤聲徧眾岡  
浪滾綠陰風亦水瀾翻翠蓋陸成洋  
想存濠濮聽難厭心繫江湖坐易忘  
謾謾豈惟增耳福炎天先受十分涼

塔院秋月

前人

孤塔當門太寂寥空山明月似高標  
一天佳景秋難老滿院清光夜不消  
色相宏深方肅括澄懷廣大自宣昭  
此間幽雅應推首况有文峰暗拱朝

瀑布穿雲

前人

泉聲飛起向空騰樹杪百重那足稱  
匹練倒懸千丈雪長虹高掛一痕冰  
烟從抹處幾如斷霧以籠時恍似凝  
何必銀河九天落淵源始達便雲蒸

重崖返炤

前人

朝天萬笏挺層巒斜展如屏一望寬  
半壁增輝成晚景諸峰改色壯奇觀  
人居紫府山疑赭路入赤城竈儼丹  
無限夕陽原自好回頭况是重重看

遊雞足山諸禪院並登絕頂

糜乾緒子剛

杳然雞足是名山古木森森曲徑環紺宇琳宮憑  
俯仰丹崖翠嶽任躋攀倘逢天女花應散不遇生  
公石便頑清磬一聲群籟寂禪機悟得俗塵刪  
憑臨絕頂豁雙瞳呼吸應知帝座通雲氣橫飛千  
縷白日光上湧一輪紅洱蒼入望成邱壑仙佛留  
名比華嵩西迤靈山推巨擘搜奇攬勝興無窮

